



Broj: 05/7-39-1-155-57/20

Sarajevo, 29. 1. 2020.

Z A P I S N I K

57. sjednice Vijeća nacionalnih manjina BiH, održane 28. 1. 2020.

Sjednica Vijeća nacionalnih manjina BiH počela je u 17 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Nedžad Jusić, Tijana Vučurević, Marija Grbić, Hakan Varan, Eva Pašić-Juhas, Mladen Radmilović, Halil Bicaj i Jakob Finci.

Sjednici nisu prisustvovali Dejan Piotrovski i Vjeročka Gajić.

Sjednici je, također, prisustvovala i Aida Kreho, sekretar Zajedničke komisije za ljudska prava.

Članovi Vijeća nacionalnih manjina BiH **jednoglasno** su usvojili sljedeći

D N E V N I R E D

1. Usvajanje Zapisnika 56. sjednice Vijeća nacionalnih manjina BiH;
2. Razmatranje Prijedloga izvještaja o radu za 2019. godinu;
3. Razmatranje Prijedloga plana rada za 2020. godinu;
4. Razno.

Ad. 1. Usvajanje Zapisnika 56. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

S obzirom na to da nije bilo rasprave u vezi s ovom tačkom dnevnog reda, pristupilo se glasanju, te je Zapisnik 56. sjednice **jednoglasno usvojen.**

Ad. 2. Razmatranje Prijedloga izvještaja o radu za 2019. godinu

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

S obzirom na to da nije bilo rasprave u vezi s ovom tačkom dnevnog reda, pristupilo se glasanju, te je **Izvještaj o radu za 2019. godinu jednoglasno usvojen.**

Ad. 3. Razmatranje Prijedloga plana rada za 2020. godinu

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

S obzirom na to da nije bilo rasprave u vezi s ovom tačkom dnevnog reda, pristupilo se glasanju, te je **Plan rada za 2020. godinu jednoglasno usvojen.**

Ad. 4. Razno

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

Nedžad Jusić predložio je da Vijeće usvoji zaključak kojim od Federalnog zavoda za zapošljavanje traži informaciju da li su sredstva koja je Ministarstvo za ljudska prava i izbjeglice Bosne i Hercegovine dodijelilo Federalnom zavodu za zapošljavanje s ciljem realizacije Akcionog plana za Roma (cca 400.000,00 KM za 2018. godinu) odnosno u svrhu zapošljavanja Roma, raspoređena poslodavcima, u skladu s propisanim procedurama.

Prijedlog je jednoglasno usvojen.

Silvija Vujović upoznala je članove Vijeća s aktivnostima koje bi, kao pripadnica rumunske nacionalne manjine, mogla preduzeti u svrhu organizacije posjete Vijeća Institutu za istraživanje nacionalnih manjina u Rumuniji, te iznijela ideju da se organiziraju posjete u zemlje okruženja (Hrvatsku i Srbiju), s ciljem upoznavanja načina organizacije i učešća u organima vlasti pripadnika nacionalnih manjina. Članovi Vijeća jednoglasno su podržali prijedlog da se pristupi organizaciji eventualne posjete Institutu za istraživanje nacionalnih manjina u Rumuniji, te da se sve neophodne aktivnosti u vezi s tim urade u koordinaciji s Uredom sekretara Zajedničke komisije za ljudska prava, a u skladu sa sugestijom Velibora Kuvača.

Dragan Marković predložio je usvajanje zaključka kojim se traži održavanje sastanka s ministricom civilnih poslova BiH, odnosno relevantnim predstavnikom Ministarstva civilnih poslova BiH, s ciljem osiguranja grant sredstava isključivo za finansiranje nacionalnih manjina. Zaključak je jednoglasno prihvaćen, te je zadužen Ured sekretara da pristupi organizaciji navedenog sastanka.

Andrija Svatok upoznao je članove Vijeća da je u prostorijama Saveza nacionalnih manjina RS-a održan sastanak s pomoćnikom ministra u Ministarstvu za evropske integracije i međunarodnu saradnju RS-a, koji je istovremeno i član Upravnog odbora Projekta „Horizontal Facility“ koji provodi Vijeće Evrope u BiH, a u vezi sa situacijom u Koordinacionom odboru navedenog projekta, te načinu rada tog tijela. Na sastanku je dogovoreno da pomoćnik ministra na narednom sastanku Upravnog odbora dobije više informacija o Projektu, te da se nakon toga članovi Vijeća očituju o svom učešću u Projektu i potpisivanju Memoranduma.

U raspravi su učestvovali: Tihomir Knežiček, Velibor Kuvač, Davor Ebner i Silvija Vujović, koja je iznijela stav da odluka o učešću u radu Koordinacionog odbora ne treba biti pojedinačna, već da Vijeće nacionalnih manjina BiH, kao tijelo, treba donijeti jedinstven stav o ovom pitanju. Informacija je primljena k znanju.

Sjednica Vijeća nacionalnih manjina BiH završena je u 17.45 sati.

Sastavni dio Zapisnika je tonski snimak 57. sjednice Vijeća nacionalnih manjina BiH.

Sekretar

Aida Kreho

Predsjedavajući

Vijeća nacionalnih manjina BiH

Andrija Svatok